



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Agenda, Sev Ritvale Osnabrvdense**

**Franz Wilhelm <Osnabrück, Bischof>**

**Coloniæ Agrippinæ**

Benedictio Peregrinorum, ad loca sancta prodeuntium.

**urn:nbn:de:hbz:466:1-41233**

## Oremus.

**O**Ramus pietatem tuam, omnipotens Deus, ut has primitias creaturæ tuæ, quas aëris & pluviae temperamento nutrire dignatus es, bene **†** dictionis tuæ imbre profundas; & fructus terræ tuæ usque ad maturitatem perducas. Tribuas quoque populo tuo, de tuis muneribus tibi semper gratias agere, ut, à fertilitate terræ, esurientium animas bonis affluentibus repleas, & egenus & pauper laudent nomen gloriæ tuæ. Per Christum Dominum nostrum. *Resp. Amen. Aspergat illas aquâ benedictâ.*

## Benedictio Peregrinorum, ad loca sancta prodeuntium.

**P**eregrini, ad loca sancta profecturi, antequam discedant, juxta veteris Ecclesiæ institutum, deberent accipere patentes seu commendatitias litteras à suo Ordinario, seu Parocho. Quibus obtentis, & rebus suis dispositis, factâ peccatorum suorum confessione, & auditâ Missâ, in qua dicitur Oratio pro peregrinantibus, sanctissimam Eucharistiam devote suscipiunt. Expletâ Missâ, Sacerdos super eos, genuflexos, dicit sequentes preces:

*Antiph. In viam pacis. Benedictus Dominus Deus Israël, &c. ut supra. In fine, Gloria Patri.*



Patri. *Repetitur Antiph.* In viam pacis & prosperitatis dirigat vos omnipotens & misericors Dominus; & Angelus Raphaël comitetur vobiscum in via, ut cum pace, salute, & gaudio revertamini ad propria. Kyrie eleison. Christe eleison. Kyrie eleison. Pater noster, &c. *Vers.* Et ne nos inducas in tentationem. *Resp.* Sed libera nos à malo. *Vers.* Salvos fac servos tuos. *Resp.* Deus meus, sperantes in te. *Vers.* Mitte eis, Domine, auxilium de sancto. *Resp.* Et de Sion tuere eos. *Vers.* Esto eis, Domine, turris fortitudinis. *Resp.* A facie inimici. *Vers.* Nihil proficiat inimicus in eis. *Resp.* Et filius iniquitatis non apponat nocere eis. *Vers.* Benedictus Dominus die quotidie. *Resp.* Prosperum iter faciat nobis Deus salutarium nostrorum. *Vers.* Vias tuas, Domine, demonstra nobis. *Resp.* Et semitas tuas edoce nos. *Vers.* Utinam dirigantur viæ nostræ. *Resp.* Ad custodiendas justificationes tuas. *Vers.* Erunt prava in directa. *Resp.* Et aspera in vias planas. *Vers.* Angelis suis Deus mandavit de te. *Resp.* Ut custodiant te in omnibus viis tuis. *Vers.* Domine, exaudi orationem meam. *Resp.* Et clamor meus ad te veniat. *Vers.* Dominus vobiscum. *Resp.* Et cum spiritu tuo.

Ore-



## Oremus.

**D**Eus, qui filios Israël per maris medium sicco vestigio ire fecisti, quique tribus Magis iter ad te, stellâ duce, pandisti; tribue eis, quæsumus, iter prosperum, tempusque tranquillum; ut, Angelo tuo sancto comite, ad eum quo pergunt locum, ac demum ad æternæ salutis portum, feliciter valeant pervenire.

**D**Eus, qui Abraham puerum tuum, de Vr Chaldæorum eductum, per omnes suæ peregrinationis vias illæsum custodisti: quæsumus, ut hos famulos tuos custodire digneris: esto eis, Domine, in procinctu suffragium, in via solatium, in æstu umbraculum, in pluvia & frigore tegumentum, in lassitudine vehiculum, in adversitate præsidium, in lubrico baculus, in naufragio portus: ut, te duce, quo tendunt, prospere perveniant, & demum incolumes ad propria revertantur.

**A**desto, quæsumus Domine, supplicationibus nostris, & viam famulorum tuorum in salutis tuæ prosperitate dispone; ut, inter omnes viæ & vitæ hujus varietates, tuo semper protegantur auxilio.

**P**Ræsta, quæsumus omnipotens Deus, ut familia tua per viam salutis incedat, &

. beati



beati Ioannis præcursoris hortamenta sectando, ad eum, quem prædixit, secunda perveniat, Dominum nostrum Iesum Christum Filium tuum.

**E**Xaudi, Domine, preces nostras, & iter famulorum tuorum propitius comitare, atque misericordiam tuam, sicut ubique es, ita ubique largire; quatenus à cunctis adversitatibus tua opitulatione defensi, gratiarum tibi referant actionem. Per Christum Dominum nostrum. *Resp.* Amen. Pax & benedictio

✠ Dei omnipotentis, Patris, & Filii, & Spiritus sancti, descendat super vos, & maneat semper. Amen.

*Deinde aspergantur aqua benedicta.*

*Quod si unus fuerit peregrinaturus, omnia dicuntur in numero singulari; ac, si Sacerdos ipse, qui benedicit, fuerit socius peregrinationis, dicat in persona prima numeri pluralis, quatenus congruere videbitur.*

*Benedictio Peregrinorum post reditum.*

*Vers.* Adjutorium nostrum in nomine Domini. *Resp.* Qui fecit cælum & terram. *Antiphona:* Ecce, sic benedicetur homo, qui timet Dominum.